



Broj: 01/c-02/c-11-1835/25-4
Sarajevo, 4. 11. 2025. godine

Na osnovu čl. 64.stav (1) i čl. 70. Zakona o javnim nabavkama ("Službeni glasnik BiH" br. 39/14, 59/22 i 50/24), na preporuku Komisije za javne nabavke Zajedničke službe Parlamenta Federacije BiH broj: 01/c-02/c-11-1835/25-3 od 3. 11. 2025. godine, tajnik Zastupničkog doma i sekretarka Doma naroda Parlamenta Federacije BiH, **d o n o s e**:

O D L U K U
o izboru najpovoljnijeg ponuđača za nabavku računarske opreme za potrebe
Zajedničke službe Parlamenta Federacije BiH

I.

Ugovor za nabavku i isporuku računarske opreme (6 monitora, 6 računara i 3 skenera) za potrebe Zajedničke službe Parlamenta Federacije BiH, dodjeljuje se ponuđaču **Fixit d.o.o. Sarajevo**, ulica Zaima Šarca broj 34, 71 000 Sarajevo, za ponuđenu ukupnu vrijednost ugovora nakon završene e-aukcije u iznosu od **10.090,00 KM bez PDV-a**, odnosno **11.805,30 KM** sa uračunatim PDV-om.

II.

Ponuda ponuđača iz tačke I. ove Odluke zadovoljava sve uslove utvrđene u predmetnom konkurentskom zahtjevu za dostavu ponuda.

Izabranom ponuđaču iz tačke I. ove Odluke, ugovor će biti dodijeljen u skladu sa elementima dostavljene ponude, te uslovima i kriterijima utvrđenim u tenderskoj dokumentaciji.

III.

Izabrani ponuđač obavezuje se na dostavljanje dokaza po članu 45. Zakona o javnim nabavkama („Sl. glasnik BiH“ br. 39/14, 59/22 i 50/24) u roku od 5 (pet) dana od dana prijema ove Odluke, a sve u skladu sa tačkom 3.1 tenderske dokumentacije.

IV.

Ova odluka objavit će se na web-stranici ugovornog organa, istovremeno s upućivanjem obavijesti ponuđačima koji su učestvovali u postupku javne nabavke, u skladu sa članom 70. stav (6) Zakona.

O b r a z l o ž e n j e

Nabavka računarske opreme za potrebe Zajedničke službe Parlamenta Federacije BiH, pokrenuta je Odlukom o pokretanju postupka javne nabavke, broj: 01/c-02/c-11-1835/25 od 25.9.2025. godine.

Postupak javne nabavke proveden je putem konkurentskog zahtjeva za dostavu ponuda. Obavještenje o nabavci objavljeno je na web portalu: <https://www.ejn.gov.ba/>, broj obavještenja: 56-7-1-61-3-23/25 od 16. 10. 2025. godine. Krajnji rok za prijem ponuda bio je: 29. 10. 2025. godine do 12:00 h, a javno otvaranje ponuda je upriličeno isti dan na adresi ugovornog organa u 12:30 sati. Do ostavljenog roka za nabavku

računarske opreme zaprimljeno je 6 (šest) ponuda i to: Emado d.o.o. Sarajevo, Telnet d.o.o. Sarajevo, P.r Media Market Prijedor, Imtec d.o.o. Sarajevo, Inter-com d.o.o. Zenica i Fixit d.o.o. Sarajevo.

Komisija za javne nabavke Zajedničke službe Parlamenta Federacije BiH, izvršila je pregled i ocjenu ponuda (Zapisnik o pregledu i ocjeni ponuda, broj: 01/c-02/c-11-1835/25-3 od 3. 11. 2025. godine (u daljem tekstu: Zapisnik) je u prilogu ove Odluke i čini sastavni dio ove Odluke).

Sve pristigle ponude ponuđača za predmetnu nabavku nakon pregleda su ocjenjene prihvatljive, te Komisija konstatuje da su svih 6 (šest) pristiglih ponuda, dostavljene u skladu sa tenderskom dokumentacijom broj: 01/c-02/c-11-1835/25-1 od 16. 10. 2025. godine.

U skladu sa Pravilnikom o uslovima i načinu korištenja E-aukcije ("Sl. glasnik BiH", broj 80/23) (u daljem tekstu: Pravilnik), zakazana je E-aukcija za 3. 11. 2025. godine u 10,00 sati.

Nakon provedenog postupka E-aukcije, prvorangirani ponuđač za nabavku i isporuku računarske opreme za potrebe Zajedničke službe Parlamenta Federacije BiH je ponuđač **Fixit d.o.o. Sarajevo**, koji je ponudio najnižu cijenu u iznosu od **10.090,00 KM bez PDV-a**, čija ponuda zadovoljava sve uslove propisane tenderskom dokumentacijom.

Ponuda za nabavku računarske opreme nalazi se u okviru planiranog budžeta za predmetnu nabavku. Izvještaj o provedenoj E-aukciji broj: 56-7-1-61/25 od 3. 11. 2025 godine je u prilogu Zapisnika i čini sastavni dio istog.

Komisija za javne nabavke Zajedničke službe uputila je preporuku tajniku Zastupničkog doma i sekretarki Doma naroda Parlamenta Federacije BiH za izbor najpovoljnijeg ponuđača za nabavku i isporuku računarske opreme.

Iz svega naprijed navedenog, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, koji ne može biti manji od tri.

**TAJNIK
ZASTUPNIČKOG DOMA**
Ivan Miličević
Dostaviti:

**SEKRETARKA
DOMA NARODA**
Aida Hadžić-Salkić

- Fixit d.o.o. Sarajevo (putem e maila: tenderi@fixit.ba),
- Telnet d.o.o. Sarajevo (putem e maila: info@tel-net.ba),
- Pr Media Market Prijedor (putem e maila: mediamarket.pd@hotmail.com)
- Inter-com d.o.o. Zenica (putem e maila: amer@inter-com.ba),
- Emado d.o.o. Sarajevo (putem e maila: tenderi@emado.ba),
- Imtec d.o.o. Sarajevo (putem e maila: prodaja@imtec.ba),
- Komisija za javne nabavke ZS,
- Odsjek za računovodstvo finansije i budžet,
- a/a.